

INUIT ATAQATIGIIT INATSISARTUNI



UKA 2022/22.1

29.09.2022

Asii Chemnitz Narup

Uunga siunnersuut: Aningaasarsianik akileraarutit pillugit Inatsisartut Inatsisaata allangortinneqarnera pillugu Inatsisartut inatsisissaat.

(Aningaasaqarnermut Naligiissitaanermullu Naalakkersuisoq)

Oqaaseqaat.

Inuit Ataqtigiiit aningaasarsianik akileraarutit pillugit Inatsisartut inatsisaata allanguutissaannik Naalakkersuisut siunnersuuteqarnerannut qutsavigaat.

Maluginiarparput aningaasarsianik akileraarutit pillugit inatsit ukiuni kingullerni 15-ini quleriarluni allangortinneqartarnikuusoq.

Taamaamat inatsisaavoq inuiaqtigiiit pisariaqartitaannut allangorartunut politikikkullu anguniakkanut ingerlaavartumik naleqqussarneqartartoq.

Allanguutissatut siunnersuutit pingasut Naalakkersuisut ullumikkut saqqummiuppaat:

Allanguutissatut siunnersuut siulleg: Nussuinermi akiliisitsisarnermi pisut
ilaanni ingerlaavartumik uppersaasiortussaataaneq.

Paasissutissutissusaataaneq uppersaasiortussaataanerlu pillugit malittarisassat sakkortusineqarnissaannik siunnersuut aamma

INUIT ATAQATIGIIT INATSIARTUNI



paasissutissat elektroniskingorlugit nassiunneqartarnissaannik aalajangersaaneq Inuit Ataqatigiit taperserpaat.

Aamma siunnersuutigineqarpoq uppersaasiortussaataaermik pisut ilaanni sakkukillisisunik Naalakkersuisut malittarisassiornissamut piginnaatinneqassasut. Taamatut piginnaatitsisoqarnissaa Inuit Ataqatigiit taperserpaat.

Allannguutissatut siunnersuutit aappaat: Ingerlatseqatigiiffimmik atorunnaarsitsinermit iluanaarutinik akileraarusiisarneq.

Inuit Ataqatigiit paasivaat ingerlatseqatigiiffimmik atorunnaarsitsinermit pissarsiaritineqartartut ullumikkut akileraaruserneqarneq ajortut. Allannguutissatut siunnersuummi tassani maannakkut inatsimmi amigaataasup aaqqiivigineqarnissaa siunertaavoq. Tunngaviulluinnartumik isumarput tassaavoq akileraaruserneqarnissaq pinngitsoorniarlugu ingerlatseqatigiiffimmik atorunnaarsitsinermit aningaasatigut iluaqusernissaq pissusissamisunngitsoq.

Allannguutissatut siunnersuut taannarpiat pillugu tusagassiuutit aqutugalugit isummersortoqarnikuuvoq. Soqutigisat assigiinngitsut pineqarput. Ammasumik oqallinneq tikilluaqqarput.

Kissaatigaarput Aningaasaqarnermut Akileraartarnermullu Ataatsimiititaliap allannguutissatut siunnersuut isumaliutissiissummik suliaqarnermut atatillugu sukumiisumik suliarissagaa paatsuuisinnaanerillu paasinarsassagai.

INUIT ATAQATIGIIT INATSIARTUNI



Allannguutissatut siunnersuutit pingajuat: Pisortanit ikiorsiissutit pillugit malitarisassat allanngortinnerisa kinguneranik aaqqiinerit.

Pisortanit ikiorsiissutit pillugit inatsisip nutaap Inatsisartut ukioq manna upernakkut ataatsimiinnermi akuerisaata kinguneranik aaqqiinerit pineqarput.

Allannguutissatut siunnersuut taanna pissusissamisoorluinnarpoq.
Allannguutissatut siunnersuut Inuit Ataqatigiit taparserpaat.

Taamatut oqaaseqarlutalu allannguutissatut siunnersuutit
Aningaasaqarnermut Akileraartarnermullu Ataatsimiititaliamut
suliareqqitassanngortippagut.